

PUOGAE YA MOPHATO 2

Diphologolo di ya kwa lewatleng



SETSWANA



Maemo:

3.

Buka

2



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e, di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. Tlhophha ditirwana tse di lekaneng maemo a barutwana.
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeeditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang fa e ba letla go dira jalo.




Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeeditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwé mo dibukeng tsa bona tsa dithutiso.

Diphologolo di ya kwa lewatleng




Diphologolo tse di tlhaga,
dinonyane le ditshenekegi go tswa
Aforika di ne di batla go bona
lefatshe. Di ne tsa swetsa go tsaya
leeto ka mokoro.

Di ne di ja monate mo malatsing a
le mmalwa a ntlha mo leetong la
tsona, mme morago ga malatsi a
le mmalwa tsa simolola go jewa ke
bodutu le go omana.



Puupuu a simolola go lwa le Peter Leeba. Fa ba ntse ba pitikilosana jaana, Puupuu a phunya mosima mo mokorong.

Metsi a simolola go dutlela mo mokorong. Mosima wa nna mogolwana wa bo wa nna mogolwana. Metsi a mantsinyana a nna a tsena mo mokorong jaaka morwalela.



Diphologolo di ne di tshwenyegile
thata gore mokoro o ka nna wa
nwela le gore di ka nna tsa betwa
ke metsi.


"Boo, boo, boo," ga bua
Motlhanasedi Notshe, "A re
direng mmogo go thiba mosima."
Ka jalo, diphologolo tsotlhе tsa
dira mmogo go leka go thiba
mosima.



Phatha, phatha, phatha.

Dinonyane tsa leka go tsholetsa
mokoro go tswa mo metsing
ka go phaphatha diphuka tsa
tsona, mme tsa bo di se maatla
go lekane. Tlou ya tsuntsunyetsa
metsi go tswa ka fa tlase ga
mokoro mme ya a tshololela mo
lewatleng.

Tsuntsunyetsa! Phašaaa!
Tsuntsunyetsa! Phašaaa!



Dinotshe, ditshoswane, dipeba le
digokgo di ne tsa leka sengwe le
sengwe se di ka se kgonang go
tswala mosima.

Metsi a ne a tswelela go
tshologela mo mokorong mme
maemo a metsi mo mokorong a
nna a tlhatlogela kwa godingwana
le kwa godingwana.




Ka nako e diphologolo tsotlhe
di ne di tshogile gore di ya go
kgangwa ke metsi.

Ka sona sebaka seo tlhapi e nnye
ya thumela mo mokorong ka
mosima.

"A o ka se kgone go re thusa
tsweetswee, tlhapi e nnye?" ba
kopa ka phisegelo.

"Ee e le ruri," ga bua tlhapi e
nnye.





Tlhapi e nnye e ne ya ya go
batla Wendy Leruarua. O ne a
pinyeletsa mmele wa gagwe o
mogolo mo mosimeng mme a emisa
metsi go tsena mo mokorong.

Kwa bokhutlong diphologolo di
ne tsa kgona go thiba mosima fa
metsi a ne a sa tlhole a kgona go
elelela mo mokorong.

Di ne di wetse matswalo, mme
tsotlhe tsa duduetsa Wendy
Leruarua.




Kgosi Tau a re, "Re a go leboga tlhapi e nnye. Re a go leboga Wendy Leruarua. Le bolokile matshelo a rona!"

Diphologolo di ne di itumetse thata mme di ne tsa tswelela ka leeto la tsona.

Diphologolo tsotlhe tsa dumelana, "Fa re dira mmogo re ka kgon a go tokafatsa matshelo a rona."

Sedikwa ke ntšwapedi ga se thata. Fa o le esi o dira go le gonye, mme fa re le mmogo re kgon a go tokafatsa matshelo a rona!





Opelang!

Diphologolo tsa tsena ka sebedi ka sebedi, Hureee!

Diphologolo tsa tsena ka sebedi ka sebedi,
Hureee! Hureee!

Diphologolo tsa tsena ka sebedi ka sebedi,
Hureee! Hureee!

Diphologolo tsa tsena ka sebedi ka sebedi,
Tlou le Ntlolle,

Mme tsotlhе tsa tsena mo arekeng,
Go tshabela pula.

Tharo, Mofu, tshoswane le notshe.

Nne, Kubu e kgolo ya pitlagana mo mojako.
Tlhano, Ka go tsomana tsa nna di tshela.

Thataro, Tsa koba kgabo ka ntlha ya mathaithai a yona.

Supa, Kolobe e nnye ya ithaare e ya kwa legodimong.

Robedi, Khudu ya ithaare e ya go nna thari.

Robongwe, Tsa tla di tsamaya di bapile le mola o o
tlhamaletseng. Lesome, E e tseneng la bofelo e ne e le
sethole se sennyе se sehibidu.





Leboko

Notshe ya Tswina

Ooo Notshe ya Tswina,
ke rata pina ya gago,
go bobora ga gago fa o tlhanasela
motshegare otlhe.



O batlana le ditshese tsa tswina e e sukiri, o bay a
modula bontle mo maotong a gago.
Le fa o na le lebolela le le botlhoko,
tswina ya gago ke selo se se botshe thata.
Tswina ya gouta go tswa mo phagong ya gago,
e tlisa boitumelo le monate mo go rona.



Dintlha tsa diphologolo tse di gakgamatsang mme e le tsa nnete

1



Namane ya tlou gantsi e tsuntsunyetsa selopo sa yona go ikgomotsa.

2



Bontlokwe ba kgonago taboga dikilomitara di le 70 ka ura.

3



Khukhwane ya boloko e dirisa Tselana ya Dinaledi jaaka khompase.

4



Diphiri di sikana bogolosegolo le dikatse go na le dintšwa.

5



Ditau di robala diura di le 20 ka letsatsi.

6



Thutlw e na le leleme le le botala jo bontshonyana mme le boleele jwa 50cm.

7



Botlhole jwa mokwepa bo kgona go bolaya banna ba le lesomepedi mo ureng.

8



Dikubu di kgaratlha thata go sireletsa maf elo a tsona mme ke diphologolo tse di kotsi thata.

9



Pankolini e na le leleme le leleele le le kgomarelang. Fa e sa le dirise e le gogela mo phagong ya sehuba.

10



Dikwena di sale di ntse di le teng sebaka sa dingwaga di fet a dimilione di le 200.

Ditirwana tsa puiso ya ditlhophha



1

Buisetsa tsala ya gago dipolelo. Jaanong buisa dipolelo ka tatelano e e nepagetseng go go thusa go tlotlela tsala ya gago kgang e gape.

- | | |
|----|--|
| 1. | Morago Tlhapi e nnye e ne ya bitsa Wendy Leruarua yo o neng a gatelela mpa ya gagwe mo mosimeng. |
| 2. | Diphologolo di ne tsa swetsa go tsa leeto ka mokoro. |
| 3. | Digokgo, dipeba le dinotshe di ne tsa leka go thiba mosima, mme tsa palelwa. |
| 4. | Di ne tsa jewa ke bodutu mme Puupuu le Peter Leeba ba simolola go lwa. |
| 5. | Morago diphologolo di ne tsa kgonas go thiba mosima. |
| 6. | Puupuu e ne ya epa mosima mo mokorong. |
| 7. | Diphologolo tsotlhhe di ne tsa dumelana gore fa di dira mmogo di ka kgonas go atlega. |
| 8. | Metsi a ne a simolola go elelela mo mokorong ka mosima. |



2

Bolelela tsala ya gago gore a o rata kgang e kgotsa nnyaya. Tshegetsa karabo ya gago ka lebaka.



3

Feleletsa tirwana e.

- a. Kwala lefoko la ntlha la mola mongwe le mongwe mo bukeng ya dithutiso ya gago. Morago o kwale mafoko mo moleng mongwe le mongwe a a rumisanang le lona fa thoko ga lona.

katse	setse	rotse	latsa	itse
pitseng	katseng	petseng	pitsana	setseng

- b. Batla lefoko mo kgannyeng le le nang le bokao jo bo tshwanang le jwa mafoko a a latelang:

betwa bolokile kuka

- c. Batla lefoko mo kgannyeng le le latolang bokao jwa mafoko a a latelang:

kgolo godimo tswaya

- d. Batla mafoko mo kgannyeng a a nang le medumopuo e e latelang mme o a kwale:

uu ph aa ee mm ua

- e. Kwala lenaneo la diphologolo tse di mo kgannyeng e. Dirisa phegelwana go kgaoganya maina a tsona.



4

Arabela tsala ya gago dipotso tse di latelang ka molomo:

1. Naya setlhogo sa kgang e.
2. Baanelwabagolo ke bomang?
3. Ke eng diphologolo di ne di tshwenyegile?
4. O akanya gore go ka bo go diragetse eng fa tlhapi e nnye e ka bo e sa goroga mo tiragalong e?
5. Molaetsa wa kgang e ke eng?



5

Kwalolola kgang e ka mafoko a gago o dirisa matshwaopiso a a nepagetseng. (temana e le I, bonnye dipolelo di le 5)



6

Kwala thamalakwane ka ga nngwe ya diphologolo mo bukeng ya gago ya dithutiso mme o e buisetse tsala ya gago.

Sekao sa thamalakwane:

Letlalo la me le letala e bile le a relela

Ke na le maoto a le mane le dinao tse di kgomareditseng

Ke ja dikhukhwane le ditlhapi tse dinnye

Ke kgon a go thuma mo metsing le go tlolatlola mo lefatsheng.

Ke?



PUOGAE YA MOPHATO 2



Buka 2

<i>Leina kana setlhogo:</i>	Diphologolo di ya kwa lewatleng
<i>Puo:</i>	Setswana
<i>Maemo:</i>	Padiso ya Puogae ya Mophato 2 Maemo 3 Buka 2
<i>Mofuta wa sekwalwa:</i>	Kanelo
<i>Mafoko a tlwaelo:</i>	bona, tsa, ttile, fa, simolotse, nna, mmogo, lekane, sengwe, tsweetswee, itumetse, sennye, dikologa
<i>Tlotlofoko:</i>	ribolola, omana, leeба, bontlokwe, tsobera, dutla, tletse, fiseга, tsaya
<i>Medumopuo:</i>	ina, -ng, tsh, oa, ua, khw, aa
<i>Diteng, mareo le bokgoni:</i>	<ul style="list-style-type: none">▪ Tlhomaganya ditiragalo ka tatelano go tlotla kgang gape.▪ Tlhagisa maikutlo ka ga kgang.▪ Lemoga mafoko a a rumisanang.▪ Lemoga malatodi le makaelagongwe.▪ Batla mafoko mo kgannyeng a a nang le medumopuo e e latelang: ai, oa, ua, ou, ea, ei.▪ Rulaganya lenaneo o dirisa phegelwana.▪ Buisa le go araba dipotso tsa tekatlhaloganyo.▪ Kwalolola kgang ka mafoko a gago (Temana e le 1, Dipolelo di le 5).▪ Kwala thamalakwane.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.


Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiboruteleng tsa bona.

ISBN 978-1-4315-2652-9



9 781431 526529



ISBN 978-1-4315-2652-9

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 2:



Sisi o iponela tsala e ntšhwa

Ke botshelo jwa ntšwa

*Pitse e tilodi e bone
methaladijang?*

Jerry o rata go buisa



Bubu o a latlhega

*Ke seo ditsala di tshwanetseng
go nna sona*

Pidipidinyana e e maswe



*Baesekele e ntšhwa ya ga
Bakang*

*Diphologolo di ya kwa
lewatleng*

*Wendy Leruarua o boloka
botshelo*